

蘭谿縣志卷一

疆域志 疆域 沿革 分野 形勝 四境至到

周禮形方氏掌制邦國之圖域而正其封疆採風者
歷溝塗焉蘭自唐咸亨建縣而後有疆域可指然或
升為州或復為縣或析而附浦陽或分而建湯溪今
日之井里非復咸亨之舊矣故沿革附焉地有是形
則天有是星邑雖小不得謂不上應列宿也故分野
附焉若夫王公設險勇夫重閉均有關於綢繆牖戶
之計也故形勝附焉四境至到例得備書則據今所
轄而覈其實云志疆域

蘭谿縣志 卷一 疆域

蘭谿縣屬金華府縣治在府治西北五十里西南有大溪

衝港一自金華之婺港交匯於蘭陰山下其紋如羅縠
故名激溪其地多蘭茝故山名蘭陰谿又名蘭谿縣以

此得名

縣境東西廣七十五里南北袤七十里通志作南北袤一

明未建湯溪之舊也舊志云今東西之廣如故而南北
延袤僅七十餘里蓋亦未覈其實今按縣境四至南至
湯溪界二十五里北至建德界四十五里
以南北界核之縣境所轄當袤七十里矣

沿革

唐虞三代縣為揚州地夏少康封庶子無余於會稽號於越縣屬其西鄙楚滅越乃屬楚

秦西漢屬會稽之烏傷縣

東漢

初平二年分烏傷置長山縣屬長山

三國吳

析會稽即長山置東陽郡遂隸東陽

六朝隋

改長山為金華縣其地為金華西部三河成

唐

咸亨五年即三河成地置蘭谿縣隸婺州天寶十三年又析蘭谿北鄉地附於浦陽大歷十三年升為繁縣

南北朝

屬吳越仍隸婺州

宋

仍隸婺州

元

元貞元年以江南諸縣戶及五萬者為州蘭谿戶四萬有奇遂升下州而升婺州為路設總管府統之

明

洪武三年復為縣隸金華府成化七年析縣南龍巖等鄉六都之地置湯溪縣屬金華府

國朝

分野

蘭谿縣志

卷一

沿革

分野

二

蘭古揚州域於三代為於越其十二次之辰則為星紀蓋斗牽牛婺女是也然星經謂周天五十一萬三千六百八十七里有奇則每一度當得四百六里有奇蘭邑方七十里尚不足以當一星之芒角而必謂其屬之斗牛婺女三星乎賈公彥則謂諸國始封之日歲星所在為其分吳越二國同次亦同年受封願周封千七百七十有三國何以同次者僅吳越耶惟左傳高辛遷闕伯於商邱主辰故辰為商星遷實沈於大夏主參故參為晉星主辰主參謂主祀也惟主祀則星之休咎亦隨其地而應焉元和郡國志開皇九年隋平陳置婺州蓋取其地於天文為婺女之分

野蓋者疑辭初未嘗質言之也嗣後而婺之人專祀婺女則婺星專爲屬郡之分星而蘭邑隸焉主祀之說似爲可據矣

形勝

蘭谿諸山皆金華之支而蜿蜒起伏直走大溪之濱融結以爲縣治故銅山蟠其左蘭陰踞其右桃塢列其前石屏擁其後而縣當其中外之四境則自東而北皆金華浦陽之山壁立而環遶自西而北皆壽昌建德之山障塞而週迴南面九峯列戟橫亘加以衢婺兩溪之水皆數百里奔流會合滙爲巨浸爲澱之紋有蘭之馨而秀氣鍾焉凡使

蘭谿縣志

卷一

形勝

三

輶行旅自北而南者於此易小舟以泝衢婺而往江閩自南而北者於此易大舟達錢塘而抵京師故自昔號爲要衝云

按明鄭瓘擴城議畧曰蘭谿衝要之域南欲拒北則蘭爲衢婺之門戶北欲禦南則蘭爲杭嚴之屏蔽當洪武南下駐劄嚴州先遣將收取蘭谿然後取衢婺以南諸郡是先門戶之說也正德時江右閩括盜起守臣據蘭谿立寨屯兵然後調發攻取賊終不敢踰蘭谿而北卒以坐敗是固屏蔽之說也觀此則形勝大畧可覩矣

四境至到

自縣至本府五十里至浙江布政司三百三十八里至

京師四千五百三十八里舊志作自縣至本府陸路五十里水路七十五里至浙江

布政司陸路三百六十五里水路三百七十五里至京師陸路四千四百三十五里水路四千五百二十三

里謹查京師四千二百里自府城至京

師四千五百八十八里除至府五十里則自縣至省當

三百三十八里至京師當四千五百三十八里也

東至金華縣界三十里地名竹馬館東南到金華縣界

二十里地名古城南至湯溪縣界二十五里地名赤井

橋舊志作大有溪西南到龍游縣界三十五里地名游

埠西至壽昌縣界四十五里地名檀村西北到建德縣

界三十五里地名白雁插舊志作白雁岐北至建德縣

界四十五里地名將軍巖東北到浦江縣界五十里

地名橫木

欽定

蘭谿縣志

卷一

四境至到

四